

春秋

上



門口七12
精 1206
卷 12

春秋胡氏傳序

古者列國各有史官掌記時事春秋魯
史爾仲尼就加筆削乃史外傳心之要
典也而孟氏發明宗旨目爲天子之事
者周道衰微乾綱解紐亂臣賊子接迹
當世人欲肆而天理滅矣仲尼天理之
所在不以爲已任而誰可五典不惇已
所當敘五禮弗庸已所當秩五服弗章



已所當命五刑弗用已所當討故曰文
王既沒文不在茲乎天之將喪斯文也
後死者不得與於斯文也天之未喪斯
文也匡人其如予何聖人以天自處斯
文之興喪在已而由人乎哉故曰我欲
載之空言不如見諸行事之深切著明
也空言獨能載其理行事然後見其用
是故假魯史以寓王法撥亂世反之正

敘先後之倫而典自此可惇秩上下之
分而禮自此可庸有德者必褒而善自
此可勸有罪者必貶而惡自此可懲其
志存乎經世其功配於抑洪水膺戎狄
放龍蛇驅虎豹其大要則皆天子之事
也故曰知我者其惟春秋乎罪我者其
惟春秋乎知孔子者謂此書過人欲於
橫流存天理於既滅爲後世慮至深遠

也罪孔子者謂無其位而託二百四十
二年南面之權使亂臣賊子禁其欲而
不得肆則戚矣是故春秋見諸行事非
空言比也公好惡則發乎詩之情酌今
古則貫乎書之事興常典則體乎禮之
經本忠恕則導乎樂之和著權制則盡
乎易之變百王之法度萬世之準繩皆
在此書故君子以謂五經之有春秋猶

法律之有斷例也學是經者信窮理之
要矣不學是經而處大事決大疑能不
惑者鮮矣自先聖門人以文學名科如
游夏尚不能贊一辭蓋立義之精如此
去聖既遠欲因遺經窺測聖人之用豈
易能乎然世有先後人心之所同然一
爾苟得其所同然者雖越宇宙若見聖
人親炙之也而春秋之權度在我矣近

世推隆王氏新說按爲國是獨於春秋
貢舉不以取士庠序不以設官經筵不
以進讀斷國論者無所折衷天下不知
所適人欲日長天理日消其效使夷狄
亂華莫之遏也噫至此極矣仲尼親手
筆削撥亂反正之書亦可以行矣天縱
聖學崇信是經迺於斯時奉承詔旨輒
不自揆謹述所聞爲之說以獻雖微辭
與義或未貫通然尊君父討亂賊闢邪
說正人心用夏變夷大法略具庶幾聖
王經世之志小有補云

春秋目錄

隱公

元年至十有一年

桓公

元年至十有八年

莊公

元年至三十有二年

閔公

元年至二年

僖公

元年至三十有三年

文公

元年至十有八年

宣公

元年至十有八年

成公

元年至十有八年

襄公

元年至三十有一年

昭公

元年至三十有二年

定公

元年至十有五年

哀公

元年至十有四年

春秋目錄畢

春秋

隱公

元年春王正月

三月公及邾儀父上盟于蔑

夏五月鄭伯克段于鄆

秋七月天王使宰咺反吁玩來歸惠公

仲子之贈奉

九月及宋人盟于宿夙

父音甫

冬十有二月祭去齋伯來 公子益師

卒

二年春 公會戎于潛

夏五月莒人入向 無駭帥率後師並同

入極

秋八月庚辰公及戎盟于唐

九月紀履緌須來逆女

冬十月伯姬歸于紀 紀子伯莒子

綏音須舍也

向音餉

盟于密

十有二月乙卯夫人子氏薨 鄭

人伐衛

三年春王二月己巳日有食之

三月庚戌天王崩

夏四月辛卯尹氏卒

秋武氏子來求賻

八月庚辰宋公和卒

賻音附

冬十有二月齊侯鄭伯盟于石門

癸未葬宋穆公

四年春王二月莒人伐杞取牟婁 戊

申衛州吁弑其君完

夏公及宋公遇于清 宋公陳侯蔡

人衛人伐鄭

秋翬輝帥師 會宋公陳侯蔡人衛

人伐鄭

濮音卜

九月衛人殺州吁于濮

冬十有二月衛人立晉

五年春公觀魚于棠

夏四月葬衛桓公

秋衛師入郕

九月考仲子之宮 初獻六羽

邾人鄭人伐宋 螟

冬十有二月辛巳公子彊和卒 宋

彊音侯反

輸納也

人伐鄭圍長葛

六年春鄭人來輸平

夏五月辛酉公會齊侯盟于艾

秋七月

冬宋人取長葛

七年春王三月叔姬歸于紀 滕侯卒

夏城中丘 齊侯使其弟年來聘

秋公伐邾

冬天王使凡伯來聘 戎伐凡伯于

楚丘以歸

八年春宋公衛侯遇于垂

三月鄭伯使宛來歸祊必彭反 庚寅

我入祊

夏六月己亥蔡侯考父上卒 辛亥

宿夙男卒

秋七月庚午宋公齊侯衛侯盟于瓦

祊必彭反

春秋左傳卷之四

屋

八月葬蔡宣公

九月辛卯公及莒人盟于浮來

螟

冬十有二月無駭卒

九年春天王使南季來聘

三月癸酉大雨去震電庚辰大雨

去雪挾叶卒去

雨于付反

夏城郎

秋七月

冬公會齊侯于防

十年春王二月公會齊侯鄭伯于中丘

夏翬帥師會齊人鄭人伐宋

六月壬戌公敗宋師于菅艱辛

未取郟辛巳取防

秋宋人衛人入鄭 宋人蔡人衛人

管古頌反
郟古報反

春秋卷一
隱公
三
伐戴鄭伯伐取之

冬十月壬午齊人鄭人入郕

十有一年春滕侯薛侯來朝

夏公會鄭伯于時來

秋七月壬午公及齊侯鄭伯入許

冬十有一月壬辰公薨

桓公

元年春王正月公即位

三月公會鄭伯于垂 鄭伯以璧

假許田

夏四月丁未公及鄭伯盟于越

秋大水

冬十月

二年春王正月戊申宋督弑其君與

夷及其大夫孔父 滕子來

朝

三月公會齊侯陳侯鄭伯于稷以

成宋亂

夏四月取郕大鼎于宋戊申納于大

太廟

秋七月杞侯來朝 蔡侯鄭伯會于

鄧

九月入杞 公及戎盟于唐

冬公至自唐

既建也

三年春正月 公會齊侯于贏

夏齊侯衛侯胥命于蒲

六月公會杞侯于郕

秋七月壬辰朔日有食之既 公享

翬如齊逆女

九月齊侯送姜氏于謹 公會齊

侯于謹 夫人姜氏至自齊

冬齊侯使其弟年來聘 有年

四年春正月公狩于郎

夏天王使宰渠伯糾來聘

五年春正月甲戌己丑陳侯鮑卒

夏齊侯鄭伯如紀 天王使仍叔之

子來聘 葬陳桓公 城祝丘

秋蔡人衛人陳人從王伐鄭 大雩

冬蝻終

冬州公如曹

六年春正月寔植來

夏四月公會紀侯于郟

秋八月壬午大閱 蔡人殺陳佗

九月丁卯子同生

冬紀侯來朝

七年春二月己亥焚咸丘

夏穀伯綏來朝鄧侯吾離來朝

八年春正月己卯烝 天王使冢父上

焚謂焚柎而巳

來聘

夏五月丁丑烝

秋伐邾

冬十月雨去雪 祭去齊公來遂逆王

后于紀

九年春紀季姜歸于京師

夏四月

秋七月

射音亦又音夜

冬曹伯使其世子射亦姑來朝

十年春王正月 庚申曹伯終生卒

夏五月葬曹桓公

秋公會衛侯于桃丘弗遇

冬十有二月丙午齊侯衛侯鄭伯來

戰于郎

十有一年春正月齊人衛人鄭人盟于

惡曹

夏五月癸未鄭伯寤生卒

秋七月葬鄭莊公

九月宋人執鄭祭去齋仲突歸于

鄭鄭忽出奔衛柔會宋公

陳侯蔡叔盟于折公會宋公

于夫扶鍾

冬十有二月公會宋公于闕瞰

十有二年春正月

夏六月壬寅公會杞侯莒子盟于曲

池

秋七月丁亥公會宋公燕平後凡人燕國同

盟于穀丘

八月壬辰陳侯躍卒公會宋公

于虛

冬十有一月公會宋公于龜丙戌

公會鄭伯盟于武父上丙戌

衛侯晉卒

十有二月及鄭師伐宋丁未戰于

宋

十有三年春二月公會紀侯鄭伯己巳

及齊侯宋公衛侯燕人戰齊師

宋師衛師燕師敗績

三月葬衛宣公

夏大水

秋七月

冬十月

十有四年春正月公會鄭伯于曹 無

冰

夏五 鄭伯使其弟語來盟

秋八月壬申御廩災 乙亥嘗

冬十有二月丁巳齊侯祿父上卒

宋人以齊人蔡人衛人陳人伐

鄭

十有五年春二月天王使家父上來求

車

三月乙未天王崩

夏四月己巳葬齊僖公

五月鄭伯突出奔蔡 鄭世子忽

復歸于鄭 許叔入于許 公

會齊侯于艾 邾人牟人葛人

來朝

秋九月鄭伯突入于櫟

立又音藥

冬十有一月公會宋公衛侯陳侯于

袤伐鄭

十有六年春正月公會宋公蔡侯衛侯

于曹

夏四月公會宋公衛侯陳侯蔡侯伐

鄭

櫟來的反又音藥

袤昌氏反

秋七月公至自伐鄭

冬城向

十有一月衛侯朔出奔齊

十有七年春正月丙辰公會齊侯紀侯

盟于黃

二月丙午公會邾儀父上盟于趨

上崔

夏五月丙午及齊師戰于奚

趨翠軌反

六月丁丑蔡侯封人卒

秋八月蔡季自陳歸于蔡 癸巳葬

蔡桓侯 及宋人衛人伐邾

冬十月朔日有食之

十有八年春王正月 公會齊侯于濼

濼洛二音

公與夫人姜氏遂如齊

夏四月丙子公薨于齊丁酉公之喪

至自齊

濼慮篤反一音洛

秋七月

冬十有二月己丑葬我君桓公

莊公

元年春王正月

三月夫人孫去于齊

夏單善伯逆王姬

秋築王姬之館于外

冬十月乙亥陳侯林卒 王使榮叔

孫孫也

來錫桓公命 王姬歸于齊

齊師遷紀鄆萍鄆茲鄆吾

二年春王二月葬陳莊公

夏公子慶父上帥師伐於餘丘

秋七月齊王姬卒

冬十有二月夫人姜氏會齊侯于禚

乙酉宋公馮憑卒

三年春王正月溺會齊師伐衛

禚章畧友

夏四月葬宋莊公

五月葬桓王

秋紀季以鄆圭戶入于齊

冬公次于滑

四年春王二月夫人姜氏享齊侯于祝

丘

三月紀伯姬卒

夏齊侯陳侯鄭伯遇于垂 紀侯大

去其國

六月乙丑齊侯葬紀伯姬

秋七月

冬公及齊人狩于禚

五年春王正月

夏夫人姜氏如齊師

秋郕黎來來朝

冬公會齊人宋人陳人蔡人伐衛

鄆音攜

郕音覓

六年春王正月 王人子突救衛

夏六月衛侯朔入于衛

秋公至自伐衛 螟

冬齊人來歸衛俘

七年春夫人姜氏會齊侯于防

夏四月辛卯夜恆星不見現夜中星

隕如雨

秋大水無麥苗

冬夫人姜氏會齊侯于穀

八年春王正月師次于郎以俟陳人蔡

人 甲午治兵

夏師及齊師圍郕郕降平于齊師

秋師還旋

冬十有一月癸未齊無知弑其君諸

兒

九年春齊人殺無知 公及齊大夫盟

于既其器

夏公伐齊納糾 齊小白入于齊

秋七月丁酉葬齊襄公

八月庚申及齊師戰于乾干時我

師敗績

九月齊人取子糾殺之

冬浚峻洙殊

十年春王正月公敗齊師于長勺

二月公侵宋

三月宋人遷宿入

夏六月齊師宋師次于郎公敗宋師

于乘去丘

秋九月荆敗蔡師于莘以蔡侯獻舞

歸

冬十月齊師滅譚譚子奔莒

十有一年春王正月

夏五月戊寅公敗宋師于鄆茲

秋宋大水

冬王姬歸于齊

十有二年春王三月紀叔姬歸于鄆

夏四月

秋八月甲午宋萬弒其君捷及其大

夫仇牧

冬十月宋萬出奔陳

十有三年春齊侯宋人陳人蔡人邾人

會于北杏

夏六月齊人滅遂

秋七月

冬公會齊侯盟于柯歌

十有四年春齊人陳人曹人伐宋

夏單伯會伐宋

秋七月荆入蔡

冬單伯會齊侯宋公衛侯鄭伯于鄆

絹真旃
甄四音

十有五年春齊侯宋公陳侯衛侯鄭伯

會于鄆

夏夫人姜氏如齊

秋宋人齊人邾人伐郕 鄭人侵宋

冬十月

十有六年春王正月

夏宋人齊人衛人伐鄭

秋荆伐鄭

冬十有二月會齊侯宋公陳侯衛侯

鄭伯許男滑伯滕子同盟于幽

邾子克卒

十有七年春齊人執鄭詹

夏齊人殲于遂

秋鄭詹自齊逃來

冬多麋

十有八年春王三月日有食之

夏公追戎于濟上西

秋有戩域

冬十月

十有九年春王正月

夏四月

秋公子結媵陳人之婦于鄆遂及

齊侯宋公盟 夫人姜氏如莒

冬齊人宋人陳人伐我西鄙

二十年春王二月夫人姜氏如莒

夏齊大災

秋七月

冬齊人伐戎

二十有一年春王正月

夏五月辛酉鄭伯突卒

或言

春秋
卷之九
三
秋七月戊戌夫人姜氏薨

冬十有二月葬鄭厲公

二十有二年春王正月肆大眚 癸丑

葬我小君文姜 陳人殺其公

子御寇

夏五月

秋七月丙申及齊高偃盟于防

冬公如齊納幣

二十有三年春公至自齊 祭去齊叔來

聘

夏公如齊觀社 公至自齊 荆人

來聘 公及齊侯遇于穀 蕭

叔朝公

秋丹桓宮楹

冬十有一月曹伯射 亦姑卒

十有二月甲寅公會齊侯盟于扈

戶

二十有四年春王三月刻桓宮桷 葬

曹莊公

夏公如齊逆女

秋公至自齊

八月丁丑夫人姜氏入 戊寅大

夫宗婦覲用幣 大水

冬戎侵曹曹羈出奔陳赤歸于曹

郭公

二十有五年春陳侯使女汝 叔來聘

夏五月癸丑衛侯朔卒

六月辛未朔日有食之鼓用牲于

社 伯姬歸于杞

秋大水鼓用牲于社于門

冬公子友如陳

二十有六年春公伐戎

夏公至自伐戎 曹殺其大夫

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮陶

夏六月公會齊侯宋公陳侯鄭伯同

盟于幽

秋公子友如陳葬原仲

冬杞伯姬來 莒慶來逆叔姬 杞

伯來朝 公會齊侯于城濮

二十有八年春王三月甲寅齊人伐衛

衛人及齊人戰衛人敗績

夏四月丁未邾子瑱卒

秋荆伐鄭 公會齊人宋人救鄭

冬築郿眉 大無麥禾 臧孫辰告

糴于齊

二十有九年春新延廡

夏鄭人侵許

秋有蜚費

冬十有二月紀叔姬卒 城諸及防

三十年春王正月

夏師次于成

秋七月齊人降平鄆

八月癸亥葬紀叔姬

九月庚午朔日有食之鼓用牲于

社

冬公及齊侯遇于曾濟上 齊人伐

山戎

三十有一年春築臺于郎

夏四月薛伯卒 築臺于薛

六月齊侯來獻戎捷

秋築臺于秦

冬不雨

春秋
三十有二年春城小穀

夏宋公齊侯遇于梁丘

秋七月癸巳公子牙卒

八月癸亥公薨于路寢

冬十月己未子般_班卒 公子慶父

上如齊 狄伐邾

閔公

元年春王正月 齊人救邾

夏六月辛酉葬我君莊公

秋八月公及齊侯盟于落姑 季子

來歸

冬齊仲孫來

二年春王正月齊人遷陽

夏五月乙酉吉禘于莊公

秋八月辛丑公薨

九月夫人姜氏孫_去于邾 公子

慶父去出奔莒

冬齊高子來盟

十有二月狄入衛 鄭棄其師

僖公

元年春王正月 齊師宋師曹師次于

聶北救邾

夏六月邾遷于夷儀 齊師宋師曹

師城邾

秋七月戊辰夫人姜氏薨于夷齊人

以歸 楚人伐鄭

八月公會齊侯宋公鄭伯曹伯邾

人于榿

九月公敗邾師于偃

冬十月壬午公子友帥師敗莒師于

鄆獲莒挈女

十有二月丁巳夫人氏之喪至自

鄆力反

齊

二年春王正月城楚丘

夏五月辛巳葬我小君哀姜 虞師

晉師滅下陽

秋九月齊侯宋公江人黃人盟于貫

冬十月不雨 楚人侵鄭

三年春王正月不雨

夏四月不雨 徐人取舒

六月雨

秋齊侯宋公江人黃人會于陽穀

冬公子友如齊涖盟 楚人伐鄭

四年春王正月公會齊侯宋公陳侯衛

侯鄭伯許男曹伯侵蔡蔡潰遂

伐楚次于陘

夏許男新臣卒 楚屈完來盟于師

盟于召陵 齊人執陳轅濤塗

秋及江人黃人伐陳

八月公至自伐楚 葬許穆公

冬十有二月公孫茲帥師會齊人宋

人衛人鄭人許人曹人侵陳

五年春晉侯殺其世子申生 杞伯姬

來朝其子

夏公孫茲如牟 公及齊侯宋公陳

侯衛侯鄭伯許男曹伯會王世

子于首止

秋八月諸侯盟于首止 鄭伯逃歸

不盟 楚人滅弦弦子奔黃

九月戊申朔日有食之

冬晉人執虞公

六年春王正月

夏公會齊侯宋公陳侯衛侯曹伯伐

鄭圍新城

春秋 傳公
秋楚人圍許諸侯遂救許

冬公至自伐鄭

七年春齊人伐鄭

夏小邾子來朝 鄭殺其大夫申侯

秋七月公會齊侯宋公陳世子款鄭

世子華盟于甯母 曹伯班卒

公子友如齊

冬葬曹昭公

八年春王正月公會王人齊侯宋公衛

侯許男曹伯陳世子款盟于洮

鄭伯乞盟

夏秋伐晉

秋七月禘于大廟用致夫人

冬十有二月丁未天王崩

九年春王正月丁丑宋公御說悅卒

夏公會宰周公齊侯宋子衛侯鄭伯

許男曹伯于葵丘

秋七月乙酉伯姬卒

九月戊辰諸侯盟于葵丘 甲子

晉侯詭諸卒

冬晉里克殺其君之子奚齊

十年春王正月公如齊 狄滅溫溫子

奔衛 晉里克弒其君卓及其

大夫荀息

夏齊侯許男伐北戎 晉殺其大夫

里克

秋七月

冬大雨去雪

十有一年春晉殺其大夫平鄭父

夏公及夫人姜氏會齊侯于陽穀

秋八月大雩

冬楚人伐黃

十有二年春王三月庚午日有食之

夏楚人滅黃

秋七月

冬十有二月丁丑陳侯杵臼卒

十有三年春秋侵衛

夏四月葬陳宣公 公會齊侯宋公

陳侯衛侯鄭伯許男曹伯于鹹

秋九月大雩

冬公子友如齊

十有四年春諸侯城緣陵

夏六月季姬及鄆曾子遇于防使鄆

子來朝

秋八月辛卯沙鹿崩 狄侵鄭

冬蔡侯肸許卒

十有五年春王正月公如齊 楚人伐

徐

鄆似綾反

春秋左傳卷之十一

僖公

十一

三月公會齊侯宋公陳侯衛侯鄭伯許男曹伯盟于牡丘遂次于匡公孫敖帥師及諸侯之大夫救徐

夏五月日有食之

秋七月齊師曹師伐厲

八月螽

九月公至自會 季姬歸于郕

己卯晦震夷伯之廟

冬宋人伐曹 楚人敗徐于婁林

十有一月壬戌晉侯及秦伯戰于韓獲晉侯

十有六年春王正月戊申朔隕石于宋

五 是月六鷁退飛過宋都

三月壬申公子季友卒

夏四月丙申郕季姬卒

春秋一
信公
三三
秋七月甲子公孫茲卒

冬十有二月公會齊侯宋公陳侯衛

侯鄭伯許男邾侯曹伯于淮

十有七年春齊人徐人伐英氏

夏滅項

秋夫人姜氏會齊侯于卞

九月公至自會

冬十有二月乙亥齊侯小白卒

十有八年春王正月宋公曹伯衛人邾

人伐齊

夏師救齊

五月戊寅宋師及齊師戰于甗

齊師敗績 狄救齊

秋八月丁亥葬齊桓公

冬邾人狄人伐衛

十有九年春王三月宋人執滕子嬰齊

甗魚聲反

春秋一

信公

三三

夏六月宋公曹人邾人盟于曹南鄆子會盟于邾己酉邾人執鄆子用之

秋宋人圍曹 衛人伐邾

冬會陳人蔡人楚人鄭人盟于齊

梁亡

二十年春新作南門

夏鄆子來朝

鄆古報反

滑千八反

五月乙巳西宮災 鄭人入滑

秋齊人狄人盟于邾

冬楚人伐隨

二十有一年春秋侵衛 宋人齊人楚

人盟于鹿上

夏大旱

秋宋公楚子陳侯蔡侯鄭伯許男曹

伯會于孟執宋公以伐宋

冬公伐邾 楚人使空申來獻捷

十有二月癸丑公會諸侯盟于薄

釋宋公

二十有二年春公伐邾取須句渠

夏宋公衛侯許男滕子伐鄭

秋八月丁未及邾人戰于升陘刑

冬十有一月己巳朔宋公及楚人戰

于泓烏弘 宋師敗績

二十有三年春齊侯伐宋圍緡民

夏五月庚寅宋公茲父上卒

秋楚人伐陳

冬十有一月杞子卒

二十有四年春王正月

夏狄伐鄭

秋七月

冬天王出居于鄭 晉侯夷吾卒

句其俱反

燬况李夏

二十有五年春王正月丙午衛侯燬滅

邾

夏四月癸酉衛侯燬卒宋蕩伯姬

來逆婦宋殺其大夫

秋楚人圍陳納頓子于頓葬衛文

公

冬十有二月癸亥公會衛子莒慶盟

于洮桃

二十有六年春王正月己未公會莒子

衛甯速盟于向齊人侵我西

鄙公追齊師至鄆灰弗及

夏齊人伐我北鄙衛人伐齊公

子遂如楚乞師

秋楚人滅夔以夔子歸

冬楚人伐宋圍緡公以楚師伐齊

取穀公至自伐齊

二十有七年春紀子來朝

夏六月庚寅齊侯昭卒

秋八月乙未葬齊孝公 乙巳公子

遂帥師入杞

冬楚人陳侯蔡侯鄭伯許男圍宋

十有二月甲戌公會諸侯盟于宋

二十有八年春晉侯侵曹晉侯伐衛

公子買戍庶衛不卒戍刺之

楚人救衛

三月丙午晉侯入曹執曹伯界宋

人

夏四月己巳晉侯齊師宋師秦師及

楚人戰于城濮楚師敗績 楚

殺其大夫得臣 衛侯出奔楚

五月癸丑公會晉侯齊侯宋公蔡

侯鄭伯衛子莒子盟于踐土

咺况晚反

陳侯如會 公朝于王所

六月衛侯鄭自楚復歸于衛 衛

元咺咺出奔晉 陳侯欵卒

秋杞伯姬來 公子遂如齊

冬公會晉侯齊侯宋公蔡侯鄭伯陳

子莒子邾子秦人于溫 天王

狩于河陽 壬申公朝于王所

晉人執衛侯歸之于京師

衛元咺自晉復歸于衛 諸侯

遂圍許 曹伯襄復歸于曹遂

會諸侯圍許

二十有九年春介葛盧來 公至自圍

許

夏六月會王人晉人宋人齊人陳人

蔡人秦人盟于翟泉

秋大雨雹

春秋

卷八

三十一

冬介葛盧來

三十年春王正月

夏狄侵齊

秋衛殺其大夫元咺及公子瑕 衛

侯鄭歸于衛 晉人秦人圍鄭

介人侵蕭

冬天王使宰周公來聘公子遂如京

師遂如晉

三十有一年春取濟上西田 公子遂

如晉

夏四月卜郊不從乃免牲猶三望

秋七月

冬杞伯姬來求婦 狄圍衛

十有二月衛遷于帝丘

三十有二年春王正月

夏四月己丑鄭伯捷卒 衛人侵狄

秋衛人及狄盟

冬十有二月己卯晉侯重平耳卒

三十有三年春王二月秦人入滑 齊

侯使國歸父上來聘

夏四月辛巳晉人及姜戎敗秦于殽

癸巳葬晉文公 狄侵齊

公伐邾取訾茲婁樓

秋公子遂帥師伐邾 晉人敗狄于

箕

冬十月公如齊

十有二月公至自齊 乙巳公薨

于小寢 隕霜不殺草李梅實

晉人陳人鄭人伐許

文公

元年春王正月公即位

二月癸亥日有食之 天王使叔

服來會葬

夏四月丁巳葬我君僖公 天王使

毛伯來錫公命 晉侯伐衛

叔孫得臣如京師 衛人伐晉

秋公孫敖會晉侯于戚

冬十月丁未楚世子商臣弑其君頹

丘倫友 公孫敖如齊

二年春王二月甲子晉侯及秦師戰于

彭衙秦師敗績 丁丑作僖公

主

三月乙巳及晉處父並盟上

夏六月公孫敖會宋公陳侯鄭伯晉

士穀盟于垂隴 自十有二月

不雨至于秋七月

八月丁卯大事于大太廟躋僖公

冬晉人宋人陳人鄭人伐秦 公子

頹丘倫友

躋躋西及升也

遂如齊納幣

三年春王正月叔孫得臣會晉人宋人

陳人衛人鄭人伐沈審沈潰

夏五月王子虎卒 秦人伐晉

秋楚人圍江 雨螽于宋

冬公如晉十有二月己巳公及晉侯

盟 晉陽處父帥師伐楚以救

江

四年春公至自晉

夏逆婦姜于齊 狄侵齊

秋楚人滅江 晉侯伐秦 衛侯使

甯俞來聘

冬十有一月壬寅夫人風氏薨

五年春王正月王使榮叔歸含去且賵

奉

三月辛亥葬我小君成風 王使

召伯來會葬

夏公孫敖如晉 秦人入郟若

秋楚人滅六

冬十月甲申許男業卒

六年春葬許僖公

夏季孫行父上如陳

秋季孫行父如晉

八月乙亥晉侯驩卒

冬十月公子遂如晉 葬晉襄公

晉殺其大夫陽處父晉狐射亦

姑出奔狄 閏月不告月猶朝

于廟

七年春公伐邾

三月甲戌取須句渠遂城郟

夏四月宋公王臣卒 宋人殺其大

夫 戊子晉人及秦人戰于令

平狐晉先蔑奔秦 狄侵我西

鄙

秋八月公會諸侯晉大夫盟于扈

冬徐伐莒 公孫敖如莒涖盟

八年春王正月

夏四月

秋八月戊申天王崩

冬十月壬午公子遂會晉趙盾盟于

衡雍乙酉公子遂會雒 戎盟

于暴 公孫敖如京師不至而

復丙戌奔莒 螽 宋人殺其

大夫司馬宋司城來奔

九年春毛伯來求金 夫人姜氏如齊

二月叔孫得臣如京師 辛丑葬

襄王 晉人殺其大夫先都

三月夫人姜氏至自齊 晉人殺

其大夫士穀及箕鄭父 楚人
伐鄭公子遂會晉人宋人衛人
許人救鄭

夏狄侵齊

秋八月曹伯襄卒

九月癸酉地震

冬楚子使椒來聘 秦人來歸僖公

成風之禭遂 葬曹共平公

十年春王三月辛卯臧孫辰卒

夏秦伐晉 楚殺其大夫宐申 自

正月不雨至于秋七月 及蘇

子盟于女汝栗

冬狄侵宋 楚子蔡侯次于厥貉麥

十有一年春楚子伐麇君

夏叔仲彭生會晉郤隙缺于承匡

秋曹伯來朝 公子遂如宋 狄侵

貉音交又戶各反

齊

冬十月甲午叔孫得臣敗狄于鹹

十有二年春王正月邾伯來奔 杞伯

來朝

二月庚子子叔姬卒

夏楚人圍巢

秋滕子來朝 秦伯使術來聘

冬十有二月戊午晉人秦人戰于河

曲二季孫行父上帥師城諸及

鄆運

十有三年春王正月

夏五月壬午陳侯朔卒 邾子蘧渠

蔭除卒 自正月不雨至于秋

七月 世室屋壞

冬公如晉衛侯會公于沓 狄侵衛

十有二月己丑公及晉侯盟公還

旋自晉鄭伯會公于棗

十有四年春王正月公至自晉 邾人

伐我南鄙叔彭生帥師伐邾

夏五月乙亥齊侯潘卒

六月公會宋公陳侯衛侯鄭伯許

男曹伯晉趙盾癸酉同盟于新

城

秋七月有星孛入于北斗 公至自

會 晉人納捷菑之于邾弗克

納

九月甲申公孫敖卒于齊 齊公

子商人弒其君舍 宋子哀來

奔

冬單善伯如齊齊人執單伯 齊人

執子叔姬

十有五年春季孫行父上如晉

春秋左傳卷之四十七
三月宋司馬華去孫來盟

夏曹伯來朝 齊人歸公孫敖之喪

六月辛丑朔日有食之鼓用牲于

社 單伯至自齊 晉卻缺帥

師伐蔡戊申入蔡

秋齊人侵我西鄙 季孫行父如晉

冬十有一月諸侯盟于扈

十有二月齊人來歸子叔姬 齊

侯侵我西鄙遂伐曹入其郛

十有六年春季孫行父會齊侯于陽穀

齊侯弗及盟

夏五月公四不視朔

六月戊辰公子遂及齊侯盟于鄆

妻丘

秋八月辛未夫人姜氏薨 毀泉臺

楚人秦人巴人滅庸

冬十有一月宋人弒其君杵臼

十有七年春晉人衛人陳人鄭人伐宋

夏四月癸亥葬我小君聲姜 齊侯

伐我西鄙

六月癸未公及齊侯盟于穀 諸

侯會于扈

秋公至自穀

冬公子遂如齊

營於耕反

十有八年春王二月丁丑公薨于臺下

秦伯營營卒

夏五月戊戌齊人弒其君商人

六月癸酉葬我君文公

秋公子遂叔孫得臣如齊

冬十月子卒 夫人姜氏歸于齊

季孫行父如齊 莒弒其君庶

其

宣公

元年春王正月公即位 公子遂如齊

逆女

三月遂以夫人婦姜至自齊

夏季孫行父如齊 晉放其大夫晉

甲父于衛 公會齊侯于平州

公子遂如齊

六月齊人取濟上西田

秋邾子來朝 楚子鄭人侵陳遂侵

宋 晉趙盾帥師救陳 宋公陳

侯衛侯曹伯會晉師于棐林伐鄭

冬晉趙穿帥師侵崇 晉人宋人伐鄭

二年春王二月壬子宋華元帥師及鄭

公子歸生帥師戰于大棘宋師

敗績獲宋華元 秦師伐晉

夏晉人宋人衛人陳人侵鄭

秋九月乙丑晉趙盾弒其君夷臯

冬十月乙亥天王崩

三年春王正月郊牛之口傷改卜牛牛

死乃不郊猶三望葬匡王

楚子伐陸渾之戎

夏楚人侵鄭

秋赤狄侵齊宋師圍曹

冬十月丙戌鄭伯蘭卒葬鄭穆公

四年春王正月公及齊侯平莒及郟談

莒人不肯公伐莒取向秦伯

稻卒

夏六月乙酉鄭公子歸生弒其君夷

赤狄侵齊

秋公如齊公至自齊

冬楚子伐鄭

五年春公如齊

夏公至自齊

秋九月齊高固來逆子叔姬 叔孫

得臣卒

冬齊高固及子叔姬來 楚人伐鄭

六年春晉趙盾衛孫免侵陳

夏四月

秋八月冬蝻

冬十月

七年春衛侯使孫良夫來盟

夏公會齊侯伐萊

秋公至自伐萊 大旱

冬公會晉侯宋公衛侯鄭伯曹伯于

黑壤

八年春公至自會

夏六月公子遂如齊至黃乃復 卒

已有事于大太廟仲遂卒于垂

壬午猶繹萬人去上籥戊

子夫人嬴氏夢晉師白狄伐

秦楚人滅舒蓼

秋七月甲子日有食之既

冬十月己丑葬我小君敬嬴雨不克

葬庚寅日中而克葬城平陽

楚師伐陳

九年春王正月公如齊公至自齊

夏仲孫蔑如京師齊侯伐萊

秋取根牟

八月滕子卒

九月晉侯宋公衛侯鄭伯曹伯會

于扈晉荀林父帥師伐陳

辛酉晉侯黑臀卒于扈

冬十月癸酉衛侯鄭卒宋人圍滕

楚子伐鄭晉卻缺帥師救鄭

陳殺其大夫洩冶

十年春公如齊 公至自齊 齊人歸

我濟西田

夏四月丙辰日有食之 己巳齊侯

元卒 齊崔氏出奔衛 公如

齊

五月公至自齊 癸巳陳夏徵舒

弑其君平國

六月宋師伐滕 公孫歸父如齊

葬齊惠公 晉人宋人衛人曹

人伐鄭

秋天王使王季子來聘 公孫歸父

帥師伐邾取繹 大水 季孫

行父如齊

冬公孫歸父如齊 齊侯使國佐來

聘 饑 楚子伐鄭

十有一年春王正月

夏楚子陳侯鄭伯盟于辰陵 公孫

歸父會齊人伐莒

秋晉侯會狄于欒欒函咸

冬十月楚人殺陳夏徵舒 丁亥楚

子入陳納公孫寧儀行父于陳

十有二年春葬陳靈公 楚子圍鄭

夏六月乙卯晉荀林父帥師及楚子

戰于邲必晉師敗績

秋七月

冬十有二月戊寅楚子滅蕭 晉人

宋人衛人曹人同盟于清丘

宋師伐陳衛人救陳

十有三年春齊師伐莒

夏楚子伐宋

秋螽

冬晉殺其大夫先穀

十有四年春衛殺其大夫孔達

夏五月壬申曹伯壽卒 晉侯伐鄭

秋九月楚子圍宋 葬曹文公

冬公孫歸父會齊侯于穀

十有五年春公孫歸父會楚子于宋

夏五月宋人及楚人平

六月癸卯晉師滅赤狄潞氏以潞

子嬰兒歸 秦人伐晉 王札

子殺召邵伯毛伯

秋螽 仲孫蔑會齊高固于無婁

初稅畝

冬螽緣生 饑

十有六年春王正月晉人滅赤狄甲氏

及畱吁

夏成周宣榭火

春秋左傳卷之四十一 宣公
秋郟伯姬來歸

冬大有年

十有七年春王正月庚子許男錫我卒

丁未蔡侯申卒

夏葬許昭公 葬蔡文公

六月癸卯日有食之 己未公會

晉侯衛侯曹伯邾子同盟于斷

上道

秋公至自會

冬十有一月壬午公弟叔肸卒

十有八年春晉侯衛世子臧伐齊 公

伐杞

夏四月

秋七月邾人戕郟子于郟 甲戌楚

子旅卒 公孫歸父如晉

冬十月壬戌公夢于路寢 歸父還

自晉至笙遂奔齊

